

SIMONIS PISTORII  
OPPOLIENSIS SILESII

Epigrammatum

OCTERNIO UNDECIMUS.

*Nobili, pietate, & eruditione  
præstanti Viro*

DN. JOACHIMO RUPNOVIO  
*dedicatus.*

Ad Lectorem.

*Hæc quoq̄, Lector amans, tibi Carmina mitto le-  
genda,*

*Quæ mihi privatim scribere cura fuit.*

*Si vacat, atq̄, lubet, privatim tu quoq̄, Lector,  
Perlege, post tinea's mitte terenda, Vale.*



*Humanissimo Viro,*  
**D. IOACHIMO RUPNOVIO,**  
*Cætus Krzeloviensis pastori dignissimo amico meo*  
*honorando. S. P. D.*

**T**ibi etiam Vir nobilis & humanis, D. IOACHIME RUPNOVI, hunc undecimum Epigrammatum meorum Oſternionem lubens offero. Non quòd eum iudicem tuis auribus dignum, (quid enim tale a me proficisci queat, quod Viro docto, qualis tu es, summopere placere possit:) Verùm quod animi mei singulariter in te propensi significationem, cùm nequeam aliã, hac saltem ratione, declarare cupiam. Ab aliis majora & plura, ut meretur tua virtus & eruditio, expecta: a me autem amico tui observante, istum per exiguum ingenii mei partum, quã tibi offertur, benevolentia & candore, accipe. Si sese unquam, alio genere ostendendi, amoris mei erga te, obtulerit occasio, facultasque mihi id præstandi fuerit, non abfuero officio meo. Interea vale, & me tui amantem redamare perge.

SIMON PISTORIUS.

Ad I

E

Virt

Re

Nec

Ne

Vern

Ch

Huic

Ip

Atqv

Ar

Perg

Qv

Nam

Cu

Ad D

CHR

De

Hinc

Su

Cum

Sv

Dign

Qv

Ad D. Ioachimum Rupnovsky, Virum nobilem  
& concionatorem egregium.

**E**T tu RUPNOVI, natalibus inclyte claris,  
Artibus, atq; aliis dotibus, aucte bonis,  
Virtutem præ aliis adamasti pectore toto  
Rebus, iners Mundus quas habet in pretio.  
Nec te incendit opum, nec honorum vana cupido,  
Nec pectus torret cæca libido tuum.  
Verum forti animo contemptis omnibus istis,  
Christum consequeris proximior gradu.  
Huic tu consecras te totum, mancupio que  
Ipsi te dedis, dedis & obsequio.  
Atque Evangelii doctor, via que sit ad Astra  
Arctior, arguto providus ore doces.  
Perge, Vir egregie, ut cepisti, & confice calce,  
Quod reliquum est stadii, quâ præit ipse Deus.  
Namque manet merces te certa laboris, & ingens,  
Cum mundi haut fluxis æqui paranda bonis.

Ad D. Christophorum Stoinium, Virum nobilem  
in Volhinia docentem.

**C**HRISTOPHORE, eloquio præstantis digna Parentis  
De triga Fratrum progeniesque prior,  
Hinc quæ te a nobis divisa Volhinia nostris  
Sustulit ex oculis, e Patriaque procul,  
Cum quo cultus amor nobis fuit, actaque vita  
Svaviter, in Cætus Christi adamante sinu,  
Digna tuis meritis, tantisque laboribus æqua,  
Quos inibi exantlas, reddat an illa tibi?

Epigrammatum

An te non alio dignetur & illa favore,

Qvo natae matrem, qvo pueriqve Patrem?

Sic reor; huic etenim divinae Praeco salutis

Additus, augustam pandis ad Astra viam.

Ipsae tui oblitus, curâ mordace fatigas

Te, advigilans ne qvem devius error agat.

Sæpe docendo, instas operi, semperqve monendo,

Vt sic æternum teqve tuosqve bees.

Persta in eo ad finem; namqve hic ut non sit Amice,

Palma, sed in summo manet illa Polo.

Ad genere nobilem, & doctrina præstantem Vi-  
rum D. Samuelem Golecium.

DIGNA Theophrasti proles, & alumne, GOLECI,

Divinae Sophiæ, Pieridumqve chori,

Cunctarum arcanas rerum cognoscere causas,

Nosseqve Phæbææ qvem juvat artis opus.

Quando dabis nobis, qvem concoquis igne, liqvores?

Nodosam possit tollere qvi podagram.

Et sanare omnes morbos, moribundaqve membra

Manibus ex ipsis qvi revocare qveat.

Vera loqui fas sit nobis, turba illa qvod usqvam

Galenistarum non qveat efficere.

Illae quidem jactet sese, non hæc tamen unquam

Par, SAMUEL, Chymicis artibus extiterit.

Strena,

D. CHRISTOPHORO Ostorodo Viro & Theolo-  
go clarissimo.

Dum

Osternio II. Simonis Pistorii.

**D**UM *vetus egreditur, novus incipit, OSTORODE, an-*  
*Certatur studiis undiqve & officiis.* (nus

*Mutua missiculat munuscula amicus amico,*  
*Patronoqve Cliens dat bona verba suo.*

*Illam ego cum nequeam tenuis dare, do bona verba,*  
*Quorum precipue summa sit ista brevis:*

**CHRISTOPHORE**, *ut novus hic Orbi qui prodiit annus,*  
*Secum fata tibi prosperiora vehat.*

*Vt, cedente anno, quam vix, a greque trahetas,*  
*Sit tua, successu jam meliore salus.*

*Quamque vales animo, valeas tam corpore, donec*  
*Vivere in hoc fragili pectore IOVA dabit.*

**O** *qui cuncta potes, vis & dare cuncta rogata,*  
*Que facimus, votis annue, IOVA, piis.*

*Immo fac nostrum longe exuperantia votum,*  
*Que tibi precipua est, pro bonitate tua.*

**Sic tuus OSTORODUS** *pollens virtute docendi*  
*Vtilior nobis postmodò Doctor erit.*

**Q**uid dico nobis! *tua quin Ecclesia fructum*  
*Insignem ex ejus ferre salute potest.*

Ad clarissimum V. Dn. Martinum Ruarum.

**D**ELICIUM *Christi cætus, amor, una voluptas,*  
*Parsqve animæ CRELLI magna, RUARE, mei,*  
*Dic, neque enim nescis, quo nunc apud externa Regna*  
*Succedat pacto religionis opus?*

**Q**uot **CHRISTO**, *& quales homines hinc inde lucratus,*  
*Inscripsisti Albo, dulcis Amice, tuo?*

*An proditurus guttarum roris ad instar*

*Vberior fratrum est grexqve manusqve brevi.*

Epigrammatum

*Sic puto; nam quis te nescit facere omnia Christi  
Nominis augendi, care Ruare, tui.*

Ad Generosum Virum Dn. Andream Moscorovium, cum ei filiolus natus esset.

**C**LARE, nec ingenii Patris, nec degener oris,  
Andrea, Musis dedite Pieriis,

Quam suscepisti carâ de Coniuge prolem,  
Spem magnam Generis, grande decusqve tui.

Hanc beet ex alto, rerum Pater optimus auctor,  
Ampliter omnigenis accumulâtqve bonis.

Huic sua Parnassi de vertice flavus Apollo,  
Donentqve Aoniæ plurima dona Deæ.

Vt referat, famæ præstantis Avumqve Patremqve,  
Doctrinâ, genio, moribus, ingenio.

Cresce puer, risuqve Patrem cognoscere svesce,  
Et rue in amplexus Matris amate tue.

Ad D. Iohannem Stoinium Ministrum & Theologum eximium.

O quàm te dicam nimium, nimiumqve beatum  
Immensi præco, IANE diserte, Dei!

A curis procul humanis, cælestia tantùm  
Mente quòd evolvas nocte dieqve tuâ.

Non insanus amor & habendi, & honoris, & ulla  
Infanda haut unquam te capit illecebra;

Ast aut rimaris sacri mysteria verbi,  
Aut arcanâ oras voce subinde Deum.

Aut populo CHRISTI proponis Dogmata dia,  
Æternæ monstrans dulce salutis iter.

Oſternio II. Simonis Piſtorii.

Aut fratrem in viſis, conſolarisq̄ve jacentem,  
 Proq̄ve eius carâ vota ſalute facis.  
 Deniq̄ve quicquid agis, tantum eſt cæleſte, piumq̄ve,  
 Spirant divinum cuncta Miniſterium.  
 Tam ſanctâ vitâ cui fas, obitum ante fruſci,  
 Iure tibi felix nonne vocandus hic eſt!

Ad lectiſſimum nobiliſſimumq̄ve Iohannem  
 Moſcorovium.

Quod fore credebam, iuvenum lepidiſſime in horas  
 Clarior evadiſ, IANE, & amabilior.  
 Acre iubar virtutis enim, viſ ingeniûq̄ve,  
 Ad ſeſe quem non allicuiſe queant?  
 Haut alio ſummam conſcendere Gloriæ in Arcem  
 Hoc quàm difficili tramite poſſit homo.  
 Maſte animo, iuvenis præſtans, & moribus iſtus,  
 Solus qui multos exuperabis eris.

In Polypluſium.

Res tibi congeſti multas, Polypluſie, dudum,  
 Arca tua ingentes maxima ſervat opes.  
 Sunt mille argenti, ſunt auri multa talenta,  
 Vix olim Cræſus ditior ipſe fuit.  
 Plura tamen Captas, plus ſemper & appetiſ, eſtq̄ve  
 Ex quacunq̄ve lucri re tibi dulcis odor.  
 Sic dat multa Deus multis, non dat ſatis unquam,  
 Et quo res creſcunt: hoc mage creſcit amor.

Epigramma Nuptiale,

Scriptum in gratiam nobilis adoleſcentis  
 D. THOMÆ Piſcionis affinis cariſſ.

Quod

Epigrammatum

**Q**uod fore vix unquam sperabam; Te quoque blandæ  
 Incesit Veneris castra Cupido sequi,  
**Q**uantum Thoma nunc es mutatus ab illo,  
 Cui tantum Musis cura placere fuit.  
**H**al fueras osor nuper, iam magnus amator,  
 Femineæ Gentis, conspiciendus ades.  
**S**cilicet ante alias tum Turba novena placebat,  
 Cum tibi spes nulla in Virgine fulsit opum.  
**A**t cum femineæ delectam examine turba,  
 Indole præclarâ, dat Cytherea tibi (netæ,  
**P**ulchram ipsam, & pulchra, Sponsam, cum dote mo-  
 Rursus præ Musis hæc tibi sola placet.  
**Q**uas prius ardebas, iam refrigere Camenæ,  
 Contemptæque iacent, & sine honore lyre.  
**V**nam adamas Sophien, hæc est tua sola voluptas,  
 Hæc ingens animi sola cupido tui.  
**O**mninò Cor habes Thoma, quod Protea præstas,  
 Absque tamen vitio, commoditate tuâ.  
**E**rgo tuo desiderio fruiere, & cape dextro  
 Quam donat Sophien auspice Diva tibi.  
**C**onnubium non infelix, haut vanus aruspex  
 Promitto, optandas & tibi, Sponse, vices.  
**H**ac modo tu decimâ nunc ductâ virgine, ne post  
 Sustineas Musas deseruisse novem.  
**H**anc cole ritè fide stabili, cole ritè vicissim  
 Has quæ te studiis excoluere Deas.  
**S**ed facies nihil huius egens monitoris Amice,  
 „ Cui mens insulsa est, Musa placere nequit.

Ad D:



Octernio II. Simonis Pistorii.

Ad D. Petrum Stoinium juvenem nobilem &  
pietate præstantem.

Scis PETRE, quid vulgus dicat! Mirabilis omnis  
PETRUS, an a vero dissonet, ipse vide.

In reliquo quãquam haut in te hæc proverbialia quadrêt,  
Vnum est quo mirus tu videre tamen:

Nempe (quod est perrarum) adamatâ Cælibe Vitâ,  
Vis quod ut Angelicis annumerêre Choris.

Maxima vis, immo & præstas, mirabilis usque

PETRE, tuo studio, teque jurante Deo.

Admiror, non invideo, mirabilis uno

Hoc PETRE, te sanctus provebat ipse Deus.

Cetera non PETRUS, PETRUS hoc mirabilis uno,

Sic ævum sanctè transige, PETRE, tuum.

Ad D. Ioachimum Rupnovium.

Qvos conscripsisti maternâ voce libellos,

Non das victuris cur, IOACHIME, typis?

Materia hæc scriptu digna est, digna utraqve lectu,

Quam prudens lector non sine fruge legat.

Illic inveniet tum Christi Ecclesia quæ sit

Vera, & apud quos sit, quo inveniendâ modo;

An quærendâ prius sacri quàm pagina Verbi,

Quanta potestas sit, quæ data iura piis.

Illic inveniet tum quæ credenda cui vis

Seu sint, de summo Numine, sive minus.

R. è Sophistarum tricæ panduntur, & ipsum

Scripturæ verum pingitur ex adytis.

Qvos conscripsisti maternâ voce libellos,

Ergo victuris da, IOACHIME, typis.

Epigrammatum

In Anagramma

D. SIMONIS RABONII  
Symmylæ Carissimi.  
NISI AMOR BONVS.

*Q*ue bona fortuna vulgi pro more vocamus,  
Non ea cordato sunt bona vera, puto.  
Causa, quod intereunt hec singula & omnia, solus  
At BONVS eterno tempore durat AMOR.  
Ergo tuum plusquam verum est Anagramma RABONII,  
(Cetera cum pareant) non nisi AMOR BONVS est.

Ad nobilem Iuvenem PETRUM Ibramum.

*P*auca tuo volui Natali scribere nuper  
Carmina, verum aberas, optime PETRE, domo.  
Ut priscus seruetur honos nihilominus & nunc  
Hi ego versiculis te ligo PETRE, tribus.  
Vive diu, sed vive Deo, & Virtutis amator  
Esse stude, haud melius vivere PETRE potes.

Ad Dn. Thomam Geyzanovium po-  
pularem carissimum.

*Q*uam tibi sit plenum fidei dulcissime Thoma,  
Pectus, & augustæ quam Pietatis amans,  
Patria, cognati, res, omnes spesq; relicte  
Ob, contemptum aliis, Religionis opus,  
Indefessus amor CHRISTO per scripta lucranda  
Sive tibi junctos sanguine, sive minus,  
Assiduum studium per agendi puriter ævum,  
Sunt argumento, frater amande, bono.  
I pede inoffenso. cepisti, candide Thoma,  
Qvo bene, pervenies lætus ad Astra Poli.

Ad Dn.

OCTERNIO II. Simonis Pistorii.

Ad Dn. PETRUM Morzkovium, Virum nobilem  
& eruditum.

**P**ETRE, Ministrorum Soboles bona Patri, Avi<sup>q</sup><sub>2</sub>  
Qvos jam sustulit, heu! mors inimica tibi,  
Munere non dispar illis, & moribus alnis,  
Qvem Musæ studiis excoluere suis,  
Qvando dabis nobis tua Scripta arguta legenda,  
In lucem è turpi restituenda situ?  
Scripta PETRE, ingenui quæ quivis artibus auctus,  
Et candore bonus, judicio<sup>q</sup>, legat  
Scripta, hodierna legat quæ non modo pravior atas,  
Sed legat, atq; probet candida posteritas.  
Vive precor, vegetos Pylî senis integer annos,  
Et vive in laudes, optime PETRE, Dei.

Ad Generosum pietate & eruditione excellentem  
D. Hieronymum Moscorovium Mæcenatem  
meum colendissimum.

**D**octe, tuis Natalitiis HYERONIME, præstante  
Christiadum<sup>q</sup>, Gregis, Pieridum<sup>q</sup>, decus,  
Ecce tuas pulsât<sup>q</sup>, fores, vix luce coortâ,  
Te<sup>q</sup>, suis vinclis nostra Camena ligat.  
Si dicas, sum liber, Eqves sum namq; Polonus,  
Qvid mihi cum vinclis, libera colla volo?  
Subjicio, verum esse, sed his liberrima Regum  
Pectora stringuntur, Magnanimum<sup>q</sup>, Ducum.  
Dissolvo tamen, at tu dehinc, velut ante fuisti,  
Te fore Fautorem pollicere mihi.  
Vive Deo & CHRISTO, nobis<sup>q</sup>, tuis<sup>q</sup>, tibi<sup>q</sup>  
Et serò tandem mortuus astra pete.

Ad Dn.

Epigrammatum

Ad D. Iohan. Crellium, V. eruditione præstantem,  
& Theologum insignem.

CRELLI, clare Vir eruditione,  
CRELLI, Theologi cui disertè  
Assurgunt, cui multa contulere  
Sancti numina Spiritus abundè  
Doctrinæ, & genii beata dona,  
Qui scribisqve, docesqve, nunc quod etas  
Præsens audit, & insequens probabit.  
CRELLI, aut iudicio politiori,  
Aut sanctâ pietate, moribusvè  
Aut purâ tibi Veritate quis parè  
Macte his dotibus, ô corona fratrum,  
O & candide flos domesticorum  
Meorum! Scio te daturum opima  
Et condigna tui dein beati  
Ingeni monumenta plura nobis  
Quod opto, stabilem modò salutem,  
Et vitam tribuat tibi perennem  
Is qui te cumulavit hisce donis.

Ad Iacobum Reynovicium, Adolescentem  
egregium lepidissimumqve.

Hæc in quæ incidimus fatorum secula lege,  
Retro sunt actis deteriora ferè.  
Concutitur totus bellis ingentibus Orbis,  
Atque IACOBE, suâ iam propè mole ruit.  
Nec tantùm Mars Regna ferus populatur & urbes,  
Sed quoque Mors hominum demetit atra genus.  
Dira lues passim regnat, lue peior in ausus  
Cogit pestiferos & male svada fames.

In fun  
Ma  
Nec m  
Inq  
Invig  
Vt  
Vt qu  
Sin

Maur

Post

Qu

Tand

Te

Alter

Vt

Et cer

Pr

Hic v

Pe

Gens,

Si

Qua

Si

Hæc n

Si

Hæc e

D

Oſternio 11. Simonis Piſtorii.

In furta, & cædes Mortales armat, & ipſas  
Matres in natos viſcera cara ſuos.  
Nec modus ullus ineſt, quin deteriora ſequuntur,  
Inque diem, pejus nos mala cuncta premunt.  
Invigila precibus lachrymas ſuper adde, IACOBE,  
Vt nobis fiat mitior ira Dei.  
Vt quæ poſt ſurgent, divino Numine dante,  
ſint bona, ſint cunctis ſæcla beata. Vale.

Mauritio Videmanno, Scholæ Racoviensis Colle-  
gæ primario Sponſo.

Post indefeſſos Regionum deniq; curſus,  
Quas VIDEMANNE tibi, cura videre fuit,  
Tandem externorum domus, hoſpitiumq; POLONA  
Terra, velut Patria eſt altera, viſa tibi,  
Alter a viſa tibi patria eſt, adamatq; ſedem  
Vt foret hîc etiam ſigere certus amor.  
Et certè ratio eſt, iſtâ conſiſtere terrâ,  
Præ reliquis, placuit cur, VIDEMANNE, tibi:  
Hîc vox ſana Dei, quâ maximus hæcenus Orbis  
Penè caret, CHRISTI Gensq; reperta tibi eſt,  
Gens, quæ ceu ſagrat divinam Relligionem  
Sic fugit humane Traditionis opus.  
Quæ ceu nil reputat Pietate antiquius alma,  
Sic vaga contemnit quæ bona mundus habet.  
Hæc nos unâ ambos, natali ſede relicta,  
Sistere in arctoïſ cauſſa cœgit agris,  
Hæc eadem (ſpero) nos his retinebit Amicæ,  
De nobis ſummo proſpiciente Deo.

In terca

Epigrammatum

Interea quam GETRUDEM tibi dia Puellam  
 Gratia dat, stabili consociatq; thoro,  
 Accipe ovans, VIDEMANNE, videri velut ore pudico  
 Patre iubente, tibi se vovet illa Viro:  
 GETRUDI tibi se propriam dat, te proprium illi  
 Tu quoq; da, & firmâ mutuum amate fide.  
 Voti hæc summa mei est: nexu concordie ahene  
 Sub juga conjugii vos Deus ipse juget.

In Hyperephanum.

Est doctrina tibi fateor, prudentia solers,  
 Multiplici rerum cognitione cluvis;  
 Nec tantum tibi dona adsunt Plebeia, largè  
 Qvæ tibi Pierides contribuere Deæ.  
 Sunt etiam bona multa domi, sunt æris acervi,  
 Dives es, ac ided magnus haberi homo.  
 Fastidire tamen tenues, Hyperephane, noli,  
 Nec parvos alto temne supercilio.  
 Qvi prodest aliis, plusquam se suspicit omnes,  
 Hic sapit, hic demum suspiciendus homo est.

Ad Iohannem Crellium, & Iohannem Stoinium,  
 fratres intimos, & Amicos conjunctiss.

Si specimen quâquam sinceri quærit amoris,  
 Atq; duos pariles nosse in amore cupit,  
 Non eat Argolicos ad Thesea, Pyrihoumq;  
 Nec non Hyrtaciden, Eurialumq; Troes.  
 Aut alios paucos, quorum admirata vetustas  
 Æternas retulit nomen in historias.  
 En clarum nostra exemplum tibi secula præbent,  
 En tibi par fratrum nobile amicitia.

Crellius

CRE  
 Pie  
 Tam b  
 Ne  
 Ambo  
 Am  
 Vnum  
 Vni  
 Ut par  
 CE  
 Ut par  
 Vel  
 Vivite  
 Vivi  
 Hunc v  
 In v

Ad D

Doctr  
 Qu  
 O ego  
 Qu  
 Atq; u  
 De  
 Parva  
 E

Oc̄ternio II. Simonis Pistorli.

**C**RELLIUS ille oculus, lux ille **STOINIUS**, almi  
Pieridumq̄, Chori, Christi adumq̄, Chori,  
Tàm bene sunt ambo conjuncti corpore bino,  
Nempe unam spirent, ut duo penè animam,  
Ambo pares etate, pares virtutibus ambo,  
Ambo pares studiis, artibus ambo pares.  
Vnum cor illis anima una atq̄, unica mens est,  
Vnica pectoribus vita duobus inest.  
Vt parcant capiti tristissima fata **STOINI**,  
**C**RELLIUS haud dubitat fata subire bonus.  
Vt parcant anima **CRELLI**, ipse **STOINIUS** atra  
Vel bis non renuit fata subire pius.  
Vivite concordēs anima, ad caelestia nata.  
Vivite, de calis vos liget acer Amor.  
Hunc vestrum tàm mirificum miramur amorem,  
In vestra & cupimus vivere amicitia.

Gratulatorium.

Ad Doctorem Martinum Piscionem Affinem  
ex Italia redeuntem.

**D**octrinâ clarus, tituli & Doct̄or onustus,  
Quod Martine, alio saluus ab Orbe redis,  
O ego quàm letor, quàm toto gaudeo corde,  
Quamq̄, tuo cupio protinus ore frui?  
Atq̄, utinam mecum jam nunc Vir clare, sederes,  
De rebus praesens & loquerere tuis.  
Parva mora est, fiet: tantùm hoc tibi numina praesent,  
Et decus & Patriæ Doct̄or esse queas.

Manibus

Epigrammatum Ofter: II.

Manibus Tobix Accipitrini Patricii Oppolienſis  
amici & popularis ſummi & deſideratiſſimi.

Ingenio præſtans luſtris vix quinq; per actis  
Hos luvenis manes Accipitrinus habet.

Flete Meduſæi cultores fontis, Apollo

Flet Clavius, Muſæ, Mater amata gemunt,

Nos quoq; Theſæo junctiſſima ſædere corda,

Heu! fracti gemitu, pectora concutimus.

Et querimur ſortem, quòd nobis invidet iſtud

Tàm cito, tàm doctum, tàm juvenile caput.

Sed fruſtra ab querimur! naturæ penſio cunctis

Solvenda, & nullo tempore tutæ ſatis.

Quàm ſit vitæ fugax, incerta, caduca, brevisq;

Quòvis es exemplum non leve lector habes.

In obitum Iacobi Piſtorii Bregenſis Parentis ca-  
riſſimi deſideratiſſimiq;ve.

Deſunctus ipſe loquitur.

QVAM breve Ver ævi, quàm parvi temporis ætas!

Quàm paucis præbet vitæ ſenile decus!

Vix mea me Coniunx natorum quinq;ve Parentem

Fecerat, ut vitæ debita ſolvo meæ.

O mea progenies, animâ mihi carior ipſâ,

Auxiliis fueras nunc moderanda meis.

Obruitor ſolers mediis Palinurus in undis,

Vos habet in ſola nauſraga puppis aqua.

Chriſte, gubernator navis, lectiſſime Tiphy,

Hos ego do curæ, numinibusq;ve tuis.

Tu fac ubi ſapiens illis adoleverit ætas,

Organa ſint Regni non oneroſa tui.